



18 Disember 2015  
18 December 2015  
P.U. (A) 299

# WARTA KERAJAAN PERSEKUTUAN

## *FEDERAL GOVERNMENT GAZETTE*

### PERINTAH PERLEMBAGAAN PERSEKUTUAN (PERSEMPADANAN BAHAGIAN-BAHAGIAN PILIHAN RAYA) (NEGERI SARAWAK) 2015

### *FEDERAL CONSTITUTION (DELIMITATION OF CONSTITUENCIES) (STATE OF SARAWAK) ORDER 2015*



DISIARKAN OLEH/  
*PUBLISHED BY*  
JABATAN PEGUAM NEGARA/  
*ATTORNEY GENERAL'S CHAMBERS*

## **PERLEMBAGAAN PERSEKUTUAN**

### **PERINTAH PERLEMBAGAAN PERSEKUTUAN (PERSEMPADANAN BAHAGIAN-BAHAGIAN PILIHAN RAYA) (NEGERI SARAWAK) 2015**

BAHAWASANYA Suruhanjaya Pilihan Raya telah, mengikut kehendak Fasal (2) Perkara 113 Perlembagaan Persekutuan, melaksanakan kajian semula persempadanan bahagian-bahagian Pilihan Raya Persekutuan dan Negeri bagi Negeri Sarawak selaras dengan keputusan Dewan Undangan Negeri Sarawak yang meluluskan pindaan undang-undang ke atas Fasal (2) Perkara 14 Perlembagaan Negeri Sarawak berhubung komposisi keanggotaan Dewan Undangan Negeri daripada 71 kerusi kepada 82 kerusi, yang telah diwartakan untuk berkuat kuasa pada 5 Disember 2014;

DAN BAHAWASANYA Suruhanjaya Pilihan Raya telah, mengikut seksyen 8 Bahagian II Jadual Ketiga Belas Perlembagaan Persekutuan, mengemukakan kepada Perdana Menteri pada 21 Ogos 2015 laporannya yang mengandungi syor-syor berkenaan dengan kajian semula persempadanan bahagian-bahagian Pilihan Raya Persekutuan dan Negeri bagi Negeri Sarawak;

DAN BAHAWASANYA laporan Suruhanjaya Pilihan Raya itu telah dibentangkan di Dewan Rakyat mengikut peruntukan seksyen 9 Bahagian II Jadual Ketiga Belas Perlembagaan Persekutuan;

MAKA OLEH YANG DEMIKIAN, pada menjalankan kuasa yang diberikan oleh seksyen 12 Bahagian II Jadual Ketiga Belas Perlembagaan Persekutuan, Yang di-Pertuan Agong membuat perintah yang berikut:

#### **Nama dan permulaan kuat kuasa**

1. (1) Perintah ini bolehlah dinamakan **Perintah Perlembagaan Persekutuan (Persempadanan Bahagian-Bahagian Pilihan Raya) (Negeri Sarawak) 2015**.

(2) Perintah ini mula berkuat kuasa pada 19 Disember 2015.